

Staatâräädi asättäs

rávhudittum ellei tovâtem vahâgij muuneeld estimist já sajanmäksimist 19.1.2023/115

Staatâräädi miärdäs miäldäsávt asáttuvvoo rávhudittum ellei tovâtem vahâgij muuneeld estimist já sajanmäksimist adelum laavâ (15/2022) 3 § 4 moomeent, 12 § 2 moomeent já 21 § 2 moomeent sehe staatâišeruttálaavâ (688/2001) 8 § vuáduid:

1 §

Heiviitemnáál njuolgâdusah

Ton lasseen, mii rávhudittum ellei tovâtem vahâgij muuneeld estimist já sajanmäksimist adelum laavâst (15/2022) já staatâišeruttálaavâst (688/2001) asáttuvvoo, nuávdittuvvoo rávhudittum ellei vahâgij muuneeld estimân kyeskee išeruutân já toos lohtâseijee kenigâsvuodâid sehe kuáskim pessimân vuáduduvvee puásuítuáduktorjuu rekinistum vaahâg áárvu miäruštálmân, mii taan asättäsâst asáttuvvoo.

2 §

Euroop union staatâtoorjâheiviittállâm heiviitem

Eellimvyeimikuávdáš ij uážu miedettiđ rávhudittum ellei tovâtem vahâgij muuneeld estimist já sajanmäksimist adelum laavâ 10 §:st uáivildum išeruudâ, 15 §:st uáivildum sajanmáávsu tâi 26 §:st uáivildum torjuu eennâm- já meccituálusyergi já eennâmkuávluvijđoduvâi staatâtorjust adelum komissio sudevijvij (2022/C 485/01) 23 saajeest uáivildum vaigâdovuodâin leijee irättâsân. Sajanmáávsu tâi torjuu uázžu kuittâg miedettiđ, jis vaigâdovuodâh láá vuálgus sajanmäksimnáál vaahâgtábáhtuumeest.

Ovdeláá 1 momentist uáivildum išeruudâ, sajanmáávsu tâi torjuu ij uážu miedettiđ ige miedettum torjuu adelid, jis occee ij lah nuávdittâm motomij staatâ torjui kyeskee Euroop union njuolgâdusâi heivitmist adelum laavâ (300/2001) 1 §:st uáivildum torjuu maasâdpeerrâmmiärdäs.

Eellimvyeimikuávdáš kalga almostittiđ almolii tiätuviermist tiäduid 1 momentist mainâšum sudevijvij 112 saajeest uáivildum tiäduin.

3 §

Išeruudâ miedettem

Išeruudâ miedettem vuáduduvá ubâlâškuorättálmân já árvuštálmân muuneeld estimnáál tooimâi vuordum vaigutteijeevuodâst, kolopehtilvuodâst já olášuttemtohálâšvuodâst rávhudittum ellei tovâtem vahâgij kepidem várás.

Išeruudâ puáhtá miedettiđ haahân, mon tooimah čyecih occee omâstem vijdodâhân tâi čuosâttâhân teikkâ nube ulmuu omâstem vijdodâhân tâi čuosâttâhân, jis išeruudâ occee lii finnim tooimâ várás omâsteijee kirjálíi mietâmuš.

Išeruudâ miedettem iähtun lii ton lasseen, et tooimah rávhudittum ellei tovâtem vahâgij muuneeld estim várás vuáduduveh vuáváámân.

Išeruudâ ij kuittâg uážu miedettiđ siämmáid toorjâtohálíjd koloid:

- 1) moh láá čujottum kuávlust vyeimist orroo piræssajanmáávsust adelum staatâräädi asáttâs (235/2015) miäldásii piræssopâmušâst kuorgâ-, čuánjá- já njuhčâpiäldui paijeentolâmân;
- 2) moid lii miedettum ij-pyevtitlijd investistmáid kyeskee sajanmáávsust adelum staatâräädi asáttâs (238/2015) miäldásâs sajanmáksu;
- 3) moid lii finnejum miinii eres ko 1 tâi 2 saajeest uáivildum almolâš toorjá.

4 §

Išeruudâ enâmusmeeri

Miedettemnáál išeruudâ uási tuhhiittettee oleskoloin uázžu leđe enâmustáá 80 prosentid, jis tast spiehâstmân ij lah eromâš suijâ haavâ olášuttemhäämi tâi čuosâttuv merhâšittee luánduáárvui tiet. Eromâš suujâ vuáduld išeruttâ uázžu leđe enâmustáá 100 prosentid tuhhiittettee oleskoloin.

5 §

Vuávám išeruudâ kevttimist

Išeruudâ occee kalga ráhtid 3 § 3 momentist uáivildum vuávám, mast kalga pyehtid oovdân tiäduid vaahâg tovtäteejee rávhudittum elleešlaajâin, vahâgij vijdoduvâst já äägist sehe išeruttâucâmušâst uáivildum tooimâin.

6 §

Reekkigtuálukenigâsvuotâ

Išeruudâ finnejeejee kalga toollâđ tárhis reekkigtuálu vuávám olášutmist. Reekkigtuálu kalga siskeldid vijdodâh- já čuosâttâhkuáhtásijd muuštõnmiärkkumijd jyehi-iválijn tooimâin, toi olášuttemäägist, kukkoduvâst já tooimâi vaiguttâsâin pirrâsân.

7 §

Tiädui almottem- já siäiludemkenigâsvuotâ

Eellimvyeimikuávdáš kalga tátudijn toimättid eennâm- já meccituáluministeriõn 2 § 1 momentist mainâšum sundeviijvij 650 saajeest uáivildum ihemuštâlus vaattâm tiäduid rávhudittum ellei tovtätem vahâgij muuneeld estimist já sajanmáksimist adelum laavâ vuáduld miedettemnáál išeruudâi já sajanmáávsui peeleeest.

Eellimvyeimikuávdáš kalga almottid eennâm- já meccituáluministeriõn tiäduid Euroop union tooimâst tohhum sopâmuš 107 já 108 artikla heivtmist uccáá merhâšeejee torjui kuálâstem- já čäciviljálemsyergist adelum komissio asáttâs (EU) N:o 717/2014 vuáduld miedettum torjuin aalmuglii pajerääján kyeskee vátâmušâi čuávuvum várâs.

Eellimvyeimikuávdáš kalga siäiludid tiäduid 1 momentist mainâšum laavâ miäldásiijn išeruttâ- já sajanmáksimmiärädâsâin sehe čievčâ pessiimân vuáduduvvee kyelituáluutorjâmiärädâsâin love ihheed.

8 §

Reeviirkuáhtásâš puásuituáluutorjá

Kuáskim jieijâs revirist ravâdin kevttim poccui rekinistum vaahâg árvu kiärdoin ohtâ lii 971 eurod.

9 §

Vuáimán šoddâm

Taat asáttâs šadda vuáimán 1 peeivi kuovâmáánust 2023.